



Në bazë të nenit 64.2, pika (a dhe b) të Ligjit Nr. 03/L-073 për Zgjedhjet e Përgjithshme, nenit 17 pika (d) të Rregullores së Punës të KQZ-së, nenit 11 dhe 12 të Ligjit Nr. 07/L-006 për Parandalimin dhe Luftimin e Pandemisë COVID-19 në territorin e Republikës së Kosovës, si dhe Rekomandimet e Ministrisë së Shëndetësisë për KQZ-në, të datës 05.11.2020, Komisioni Qendror i Zgjedhjeve, me datën 10.11.2020, nxjerr këtë:

UDHËZIM ADMINISTRATIV NR. 01/ 2020

PËR IDENTIFIKIMIN, KONFIRMIMIN DHE VOTIMIN E PERSONAVE TË CILËT PËR SHKAK TË TESTIT POZITIV ME COVID-19 JANË NË KARANTINË SHTËPIAKE DHE PERSONAVE TË CILËVE U ËSHTË CAKTUAR MASA E VETËIZOLIMIT

Neni 1

Dispozitat e përgjithshme (Qëllimi)

Ky udhëzim administrativ ka për qëllim që të përcaktoj mënyrën e regjistrimit të votuesve të infektuar me COVID – 19, dhe atyre që janë në vetë izolim, të cilët kanë vendbanim të përhershëm në komunat ku organizohen zgjedhjet; mënyrën e ofrimit të së drejtës së votës përmes ekipit lëvizës në ditën e zgjedhjeve dhe për raundin e dytë të zgjedhjeve aty ku aplikohet; përshkrimin e hapave për aplikimin e masave mbrojtëse që duhet t'i respektojnë votuesit dhe anëtarët e ekipeve lëvizëse.

Neni 2

Regjistrimi dhe konfirmimi i votuesve të infektuar me COVID-19

- 2.1 Komisioni Qendror i Zgjedhjeve do të pranoj të dhënat e personave të infektuar me COVID-19 nga Instituti Kombëtar i Shëndetësisë Publike të Kosovës.
- 2.2 Lista përfshin votuesit të cilët sipas udhëzimeve shëndetësore në ditën e zgjedhjeve nuk lejohen të dalin për të votuar në vendvotim, për shkak të masave të vetëizolimit.

- 2.3. Të dhënat personave të infektuar që do të merren nga IKSHPK-ja, duhet të përmbajnë: emrin, mbiemrin, datën e lindjes numrin personal të identifikimit, vendbanimin dhe numrin kontaktues të telefonit të personit të infektuar.
- 2.4. Të dhënat personale të votuesve të infektuar me COVID-19, do të përdoren dhe mbrohen në përputhje me Ligjin Nr. 06/L-082 për Mbrojtjen e të Dhënave Personale. Lista e personave të infektuar me COVID-19 nuk do të publikohet, përveç në ditën e zgjedhjeve, ku ekipeve lëvizëse do t'i ipet kopja e kësaj liste, me qëllim që votuesit të nënshkruhen para se të votojnë. Çdo përdorim e listës me emrat e votuesve të infektuar me COVID-19, për qëllime tjera, do të konsiderohet shkelje e dispozitave të ligjit për mbrojtjen e të dhënave personale.
- 2.5. Sekretariati i KQZ-së do të verifikoj emrat nga lista e pranuar nga IKSHPK-ja, për të vërtetuar se janë votues në komunat ku organizohen zgjedhjet.
- 2.5. Pas verifikimit të listës, Sekretariati i KQZ-së dhënat sipas nenit 2.3 do ta dërgojë te Komisioni Komunal i Zgjedhjeve.
- 2.6. KKZ-ja përmes telefonit do t'i kontaktoj personat nga lista e verifikuar për t'i njoftuar për mundësinë e votimit në ditën e zgjedhjeve përmes ekipit lëvizës, dhe u kërkon konfirmimin të cilët mund ta japin menjëherë, ose jo më vonë se dy (2) ditë para ditës së zgjedhjeve.

Neni 3

Regjistrimi dhe konfirmimi i votuesve të cilëve u është caktuar masa e izolimit

- 3.1. Komisioni Komunal i Zgjedhjeve do të pranojë nga Shtabi Emergjent Komunal për parandalimin e COVID-19 të dhënat e votuesve të cilëve u është caktuar masa e izolimit.
- 3.2. Lista përfshin votuesit të cilët sipas udhëzimeve shëndetësore në ditën e zgjedhjeve nuk lejohen të dalin për të votuar në vendvotim, për shkak të masave të izolimit.
- 3.3. Të dhënat personave të izoluar që do të merren nga Shtabi Emergjent Komunal për parandalimin e COVID-19 të, duhet të përmbajnë: emrin, mbiemrin, datën e lindjes numrin personal të identifikimit, vendbanimin dhe numrin kontaktues të telefonit të personit të infektuar.
- 3.4. KKZ-ja do të verifikoj emrat nga lista e pranuar nga Shtabi Emergjent Komunal për parandalimin e COVID-19, për të vërtetuar se janë votues në komunat ku organizohen zgjedhjet.
- 3.5. KKZ-ja përmes telefonit do t'i kontaktoj personat nga lista e verifikuar për t'i njoftuar për mundësinë e votimit në ditën e zgjedhjeve përmes ekipit lëvizës, dhe u kërkon konfirmimin të cilët mund ta japin menjëherë, ose jo më vonë se dy (2) ditë para ditës së zgjedhjeve.
- 3.6. KKZ-ja për listën e votuesve të infektuar me COVID-19 dhe listës së votuesve që u është caktuar masa e izolimit, për konfirmimin e tyre harton raport me shkrim për numrin e

personave që i ka kontaktuar, për ata që kanë konfirmuar se dëshirojnë të votojnë në ditën e zgjedhjeve përmes ekipit lëvizës dhe për arsyet e refuzimit, nëse ndonjë person i infektuar me COVID-19 ose i izoluar ka refuzuar këtë mundësi të votimit. Raporti i hartuar nga KKZ-ja duhet të dërgohet në Sekretariat deri dy (2) ditë para ditës së zgjedhjeve.

Neni 4

Përbërja e ekipit lëvizës

- 4.1 Ekipi lëvizës do të përbëhet nga katër anëtar, kryesuesi dhe dy anëtarë janë të emëruar nga KQZ-ja.
- 4.2 Anëtari i katërt do të jetë një punëtor shëndetësorë i caktuar nga Ministria e Shëndetësisë.

Neni 5

Masat mbrojtëse dhe udhëzimet për ekipet lëvizëse

- 5.1 Para fillimit të votimit, KQZ-ja pajis ekipet lëvizëse duhet të jenë të pajisura me këto masa mbrojtëse:
 - Manteli për një përdorim,
 - Dorashka për një përdorim,
 - Maska mbrojtëse kirurgjike standarde për një përdorim,
 - Dezinfektues më përmbajtes më së paku 70% alkool.
- 5.2 Kryesuesi dhe anëtarët e ekipit lëvizës që pajisen me masa mbrojtëse janë të obliguar që t'i ndërrojnë pajisjet pas përfundimit të votimit të çdo votuesi.
- 5.3 Ekipi lëvizës duhet të kujdeset që çdo votues ta ketë të vendosur maskën mbrojtëse, dhe të ketë të mbuluar hundën dhe gojën.
- 5.4 Para se të votojë, votuesi duhet të bëjë dezinfektimin e duarve.
- 5.5 Para se votuesit t'i ipet fletëvotimi, votuesi duhet ta ketë maskën e vendosur dhe dorëzat. Nëse votuesi nuk i ka njërin nga këto pajisje mbrojtëse ose të dy pajisjet, atëherë ekipi lëvizës duhet t'ia ofroj dhe votuesi duhet t'i vendos. Votuesi është i obliguar që të dezinfektoj duart në të cilat i mban dorëzat mbrojtëse.
- 5.6 Kur votuesi e ofron letërnjoftimin për identifikim para ekipit lëvizës e largon maskën në kohë të shkurtër që të identifikohet dhe e mban distancën e rekomanduar nga ekipi lëvizës.
- 5.7 Pasi të ketë votuar, votuesi duhet sërish t'i dezinfektoj duart.
- 5.8 Ekipi lëvizës pas çdo vizite tek votuesi, pajisjet personale mbrojtëse duhet t'i hedhin, duke i futur në një qese të zezë, e cila lidhet me shirit që ngjitet. Këto thasë që përmbajnë masat mbrojtëse brenda duhet të trajtohen si hedhurinë komunale.


- 5.9 Distanca e obligueshme që duhet ta mbajë kryesuesi dhe anëtarët e ekipit lëvizës me votuesin është dy (2) metra.
- 5.10 Me qëllim të mbrojtjes së identitetit të votuesve të infektuar me COVID-19 dhe votuesve të izoluar nuk lejohet regjistrimi/ filmimi i procesit të votimit.

Neni 6

Hyrja në fuqi

Ky udhëzim administrativ, hyn në fuqi në ditën e nënshkrimit.

Kryetarja e Komisionit Qendror të Zgjedhjeve


Valdete Daka



1. REKOMANDIMET PËR PARANDALIMIN E INFEKSIONIT ME COVID-19 GJATË PROCESIT ZGJEDHOR

Këto rekomandime të Bordit Këshilldhënës hartohen me qëllim të mbrojtjes së të gjithë pjesëmarrësve në procesin zgjedhor nga infektimi me COVID-19.

Rekomandimet i dedikohen anëtarëve të Komisionit Qëndror të Zgjedhjeve, komisioneve komunale të zgjedhjeve, vendvotimeve, votuesve dhe gjithë pjesëmarrësve në zgjedhjet lokale të 29 Nëntorit 2020.

Rekomandimet bazike të paraqitura në këtë dokument duhet të jenë të dukshme në të gjitha qendrat e votimit dhe përfshijnë 3 komponenta kryesore:

1. Dezinfektimi i detyrueshëm i duarve para hyrjes në qendrën e votimit dhe pas votimit;
2. Bartja e detyrueshme e maskës në qendrën e votimit, përveç momentit të identifikimit të votuesit;
3. Mbjajtja e distancës fizike para, gjatë dhe pas qëndrimit në qendrën e votimit në përputhje me rekomandimet e IKSHPK dhe MSH.

FUSHATA

- Ndalohen të gjitha tubimet publike për fushatën zgjedhore.

KOMISIONI QËNDROR ZGJEDHOR DHE KOMISIONET KOMUNALE ZGJEDHORE

- Kapaciteti i ulëseve në zyrat ku mbahen takimet e komisioneve zgjedhore duhet të përmbushin kriterin e distancës fizike prej 2 metrash ndërmjet anëtarëve.
- Këto zyra (dhoma) të mbledhjeve duhet të jenë të ndriçuara mirë dhe të kenë mundësinë e ventilimit natyror.
- Para dhe pas çdo mbledhje të bëhet dezinfektimi i sipërfaqeve të punës
- Bartja e maskave është e detyrueshme pavarësisht mbajtjes së distancës.
- Obligohet dezinfektimi i duarve të anëtarëve të KQZ dhe KKZ para hyrjes dhe pas daljes nga mbledhja

- Të gjithë komisionerët i nënshtrohen një trajnimi të veçantë për parandalimin e infeksionit me COVID-19. Trajnimi duhet të organizohet duke përdorur platforma online ose në televizionet lokale.

MASAT E PARANDALIMIT NË VENDVOTIME

- Rekomandohet që qendrat e votimit të jenë të gatshme për votim një ditë para zgjedhjeve. Këtë kapacitet e vërtetojnë personalisht anëtarët e komisionit komunal zgjedhor.
- Vendvotimet të shënohen qartë me drejtimin e lëvizjes së secilit votues dhe të sigurohet distanca minimale prej dy metrash:
 - Para hyrjes në qendrën e votimit;
 - Para tryezës ku identifikohen votuesit;
- Të gjithë personat në vendvotim (votues, zyrtarë, vëzhgues, gazetarë, etj.) mbajnë maskë dhe distancë.
- Në hyrje të qendrës së votimit dhe në dalje nga qendra e votimit të vendoset gel alkoolik ose dezinfektues për duar. Këto vende duhet të duken qartë dhe të kenë qasje të lehtë.

Çdo qendër votimi duhet të ketë një sasi të caktuar maskash, në rast se shfaqet ndonjë qytetar që vjen për votim dhe nuk ka maskë.

ECURIA E VOTIMIT

1. Votuesi detyrimisht e mban maskën ose mbulesën e fytyrës dhe pret në rradhë në distancë prej 2 metrash.
2. Gjatë hyrjes në vendvotim fillimisht i dezinfekton duart.
3. Pastaj, prezenton dokumentin e identifikimit dhe heq maskën mbrojtëse në mënyrë që të verifikojë identitetin para komisionerit me të cilin duhet të ketë distancë së paku 2 metra.
4. Pastaj dezinfekton përsëri duart, e rivendos maskën dhe voton.
5. Në dalje të dhomës së vendvotimit, votuesi përsëri i dezinfekton duart me gel alkoolik.

VOTIMI JASHTË QENDRËS SË VOTIMIT

- Personave Covid pozitivë dhe atyre që janë në izolim, do t'u lejohet të votojnë me zarf në përputhje me Ligjin Zgjedhor.
- Anëtarët e komisionit të qendrës së votimit që vizitojnë këta votues duhet të kenë maskë, doreza dhe mantel për një përdorim.
- Personeli shëndetsor i QKMF mund të ndihmojë KKZ gjatë votimit të personave pozitivë me Covid dhe atyre në izolim.

NUMËRIMI I VOTAVE

- Sipërfaqet në të cilën kryhet numërimi dhe kutia e votimit të pastrohen me sprej dezinfektues.
- Gjatë numërimit të votave, të gjithë pjesëmarrësit në proces të mbajnë maska mbrojtëse dhe doreza.
- Gjatë tërë procesit të mbahet distancë prej 2 metrash nga komisionerët dhe mbikqyrësit.

2. KRITERET E PËRCAKTIMIT PËR PJESTIMOR TË MASAVE KUFIZUESE NË KOMUNA

Çështja se kur dhe si duhet të vendosen masat kufizuese për parandalimin e COVID-19 përbën një sfidë të jashtëzakonshme për qeveritë në mbarë botën. Kjo sfidë përfshin gjetjen e balansit ndërmjet komponentës së shëndetit publik, aspekteve socio-ekonomike dhe shëndetit mental. Kjo e vërteton përkufizimin e shëndetit sipas OBSH, sipas të cilit shëndeti nënkupton, jo vetëm mungesën e sëmundjes, por gjendjen e mirëqenies fizike, psikike dhe sociale.

Parimet që duhet të merren parasysh në strategjinë e masave kufizuese janë: situata epidemiologjike, përfshirja e komunitetit, kapaciteti i shëndetit publik dhe kapaciteti i sistemit shëndetësor (me theks të veçantë në shkallën e hospitalizimeve).